

Reaksi



Program adalah sebahagian daripada tanggungjawab generasi muda untuk terus memartabatkan tradisi kaum walaupun berada jauh dari tanah kelahiran”

Norain Hidayah Jasnih,
Pengaruh Program



Kami berharap festival sebegini bukan hanya disertai anak Sabah tetapi juga diraikan oleh semua bagi memahami budaya dan tradisi amalan masyarakat Negeri di Bawah Bayu”

Awangku Ashaari Awangku Yusof,
Presiden G3S

Festival Kaamatan tonjol budaya unik

Oleh Nurul 'Aniqah Sazale
bhvarsiti@bh.com.my

Serdang

Festival Kaamatan anjuran Persatuan Mahasiswa Sabah, Universiti Putra Malaysia (UPM), dengan kerjasama Persatuan Gabungan Siswazah Sabah di Semenanjung (G3S), baru-baru ini, menonjolkan keunikan budaya masyarakat Kadazan Dusun yang juga suku kaum terbesar di negeri itu.

Program berlangsung selama tiga hari di Panggung Percubaan UPM itu dimeriahkan dengan pelbagai tarian warisan etnik berkenaan seperti Sumazau, Mongunatip dan Mongigol.

Acara kemuncak festival itu yang turut dijayakan oleh pelajar Universiti Malaya (UM), Universiti Teknologi MARA (UiTM) dan Universiti Pendidikan Sultan Idris (UPSI) ialah persembahan Unduk Ngadau (ratu cantik) serta Sugandoi (pertandingan nyanyian).

Pengaruh program, Norain Hidayah Jasnih, berkata pengan-juran itu bertujuan mewujudkan suasana muhibah dan persefahaman dalam kalangan mahasiswa yang mempunyai amalan budaya masing-masing.

Martabatkan tradisi kaum

"Program itu adalah sebahagian daripada tanggungjawab generasi muda untuk terus memartabatkan tradisi kaum walaupun berada jauh dari tanah kelahiran," katanya.

Sementara itu Presiden G3S, Awangku Ashaari Awangku Yusof, pula berkata aktiviti kebudayaan diketengahkan pada festival berkenaan secara

langsung menyerlahkan lagi kekayaan budaya di Malaysia.

"Kami berharap festival sebegini bukan hanya disertai anak Sabah tetapi juga diraikan oleh semua bagi memahami budaya dan tradisi amalan masyarakat Negeri di Bawah Bayu," katanya.

Antara persembahan yang **memeriahkan Festival Kaamatan G3S 2016.**



Mahasiswa Sabah mempersembahkan **tarian tradisional dengan sepenuh penghayatan.**



Festival Kaamatan G3S 2016 **mendapat sambutan ramai.**



Kekayaan budaya suku kaum Kadazan Dusun yang unik.



Persembahan Unduk Ngadau **menghangatkan kemuncak festival.**